



Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Caput VIII. De Suscipientibus, vulgo Patrinis.

urn:nbn:de:hbz:466:1-40834

102 TRACTATUS II.

Ibid. verbo. *P* intelligat. præferat indumentum. Tegitur enim post sa-
cram unctionem caput ejus mystico velamine, ut intelligat se diadematate regni & sacerdota-
li dignitate potiri. Quia ut ait Glossa; Quili-
bet fidelis rex debet esse & sacerdos: Rex,
quia se & alios virtutibus regere debet: Sa-
cerdos, quia cor contritum & humiliatum,
quod est vera oblatio, id est, se debet offerre
Deo.

Quæst. 19. Quid significat cereus accensus,
qui traditur baptizato, aut ejus Patrino?

S. Carol. De Ceremon. que präcepto Bap-
tis. servantur. Act. p. 4. Resp. Traditur demum, ut ait sanctus Ca-
rolus, baptizato in manum cereus ardens;
quo cereo significantur tres Theologicae virtu-
tes, quæ ipsi in hoc Sacramento infunduntur,
Fides in lumine, Charitas in calore, spes in
cerei recta altitudine, quæ sursum ascendit, ut
spes nostra ad cœlos usque excitetur atque eri-
gatur. Id præterea quod Baptismo nobis fit
communicatio lucis, & depulso tenebrarum:
ob eamque causam Baptismus Sacramentum
illuminationis, & baptizati ii quidem illu-
minati à Patribus dicuntur.

CAPUT VIII.

De suscipientibus, vulgo Patrinis.

Quæst. 1. **Q**UARE Ecclesia requirit Pa-
trinos, qui puerum in Baptis-
mo suscipient?

Resp. Ut pro puero fidem profiteantur, ut
ejus nomine promittant, illum fideliter obser-
vaturum, quod promittit. Vos ante omnia,
Cin. Vos ante. De Consecr. dist. 4, inquit sanctus Augustinus relatus in Canone,
tam mulieres quam viros qui filios in Baptis-
mo suscepistis moneo, ut vos cognoscatis fide-

De Sacram. Baptismi. Cap. VIII. 103

jussores apud Deum extitisse pro illis quos visi
estis de sacro fonte suscipere: ideoque eos ad-
monete, ut castitatem custodiant, justitiam
diligant, charitatem teneant.

Rationem affert Divus Thomas cum ait.
Dicendum quod spiritualis regeneratio qua sit D. Tho. 3. p.
per Baptismum assimilatur quodammodo ge- q. 67. art. 7.
nerationi carnali. In generatione autem car- in corp.
nali parvulus nuper natus indiget nutrice &
pedagogo. Vnde & in spirituali generatione
Baptismi requiritur aliquis qui fungatur vice
nutricis & pedagogi, informando & instruen-
do eum quasi novitium in Fide de his qua per-
tinent ad fidem & vitam Christianam, ad
quod Prelati Ecclesiae vacare non possunt,
circa communem curam populi occupati. Par-
vuli enim & novitii indigent speciali curâ
prater communem: & ideo requiritur quod
aliquis suscipiat baptizatum de sacro fonte
quasi in suam instructionem & tutelam. Et
hoc est quod Dionysius dicit, ult. cap. Eccles.
Hierarch. Divinis nostris ducibus ad mentem
venit (id est Apostolis) & visum est susci-
re infantes secundum istum sanctum modum
quod naturales pueri parentes traderent pse-
rum cuidam docto in divinis pedagogis, & re-
liquum sub ipso puer ageret sicut sub divino
Patre & salvationis sancta susceptore.

**Quest. 2. Quinam admittendi non sunt in
Patrinos, aut susceptores?**

Resp. Ex sancto Carolo, qui ait. Id cura sit s. Carol. Act.
Parochis & reliquis animarum Curatoribus, p. 2. in De-
cretis editis
ut quos Compares ita rudes esse animadver- in 2. Synodo
terint, qui fidei Symbolum, Orationem Domi- Decretu 15.
nicam, & Salutationem Angelicam ignorent,
eos hoc munus obire ne patientur. Est enim ab
omni ratione alienum, ut qui se Deo fidejusso-
res constituunt, ii res illas nesciant, quibus

104 TRACTATUS II.

se alios instructuros esse sancte pollicentur. Denique verisimile est, ut qui in seipsis hoc neglexerint, idque culpa admiserint, negligentiores etiam in eo sint, ut alii iis rebus instructiores siant, quarum ipsis rudes omnino sunt.

Ritual Romanum De Sacram. Baptis. tit. De Patri-
nus non esse admittendos Infideles, aut Hare-
ticos, non publicè excommunicatos aut inter-
dictos, non publicè criminosos, aut infames,
nec præterea qui sana mente non sunt, nec
qui ignorant rudimenta Fidei. Hac enim Pa-
trini spirituales filios suos, quos de Baptismi
fonte suscepereint, ubi opus fuerit, opportunè
docere tenentur.

Quest. 3. Clerici sæculares aut regulares possunt ne esse Patrini?

Can. Non licet. tet ex Can. Non licet Abbatu vel Monacho de
D: Conf. dist. Baptismo suscipere filios, vel commatres ha-
bere.
4.

Ritual Rom. Præterea ad munus Patrini admitti non de-
bet Monachi vel Sanctimoniales, neque alii
cuiusvis Ordinis. Regulares à seculo segre-
gati.

Clerici etiam sæculares non debent illud mu-
nus obire, maximè si sint sacris Ordinibus in-
signiti, cum illud illis prohibitum fuerit à
multis Conciliis. Concilium Aquense anno
1585. De Baptismo. Compater ne adhibeatur
Regularis aliquis, nec Clericus sæcularis sa-
cris initiatus aut Beneficium Ecclesiasticum
obtinens. Et sanctus Carolus in secunda Syno-
do, Decreto 17. ait. Clericis qui sacris Ordi-
nibus initiati sunt, infantem de sacro Bap-
tismi fonte suscipere vetitum sit.

De Sacram. Baptisni. Cap. VIII. 103

Quæst. 4. In quanam ætate esse debent
Patrini?

Resp. Ut præscribitur in Rituali Romano
his verbis. *Hos autem Patrinos saltem in æta-* Ritual. Rom.
te pubertatis ac Sacramento Confirmationis
consignatos esse maximè convenit. Id est, an-
no 14. completo pro Patrinis, & 12. pro Ma-
trinæ.

Quæst. 5. Quare requiritur ut Patrinus
confirmatus fuerit?

Resp. Rationem affert sanctus Antoninus,
dum ait. *Nascitur homo in esse spirituali per S. Ant. 3. p.*
Baptismum, & vivit utique vitâ gratia, sed tit. 14. c. 3o.
adhuc est quasi debilis in vita spirituali: sed S. ult.
per Confirmationem vel Chrismationem con-
firmatur quasi perveniens ad statem robustam
ut possit bellare, & fortia agere. Vnde ut de-
bilis accedens baptizandus ad hoc debet sus-
tentari ab alio, qui tamen debet esse Chrisma-
tus. Nam debilis non est idoneus ad sustenan-
dum debilem, ne ambo simul cadant.

Quæst. 6. Quotnam esse debent, qui pue-
rum de fonte suscipiant Patrini aut Matrinæ?

Resp. Numerum præfixit Concilium Triden-
tinum his verbis: *Volens itaque sancta Syno-* Sess. 14. De
dus huic incommodo providere, & à cognatio- Refor. c. 2o.
nis spiritualis impedimento insciens, statuit,
ut unus tantum, sive vir, sive mulier, juxta
sacrorum Canonum instituta, vel ad sum-
mum, unus & una de Baptismo suscipiant.

Quæst. 7. In quo consistit cognatio quæ
contrahitur in Baptismo?

Resp. Ut ait Bonifacius VIII. relatus in Ca-
none: *Nendum inter baptizatum & illum qui Cina Nedium.*
eum suscepit de Baptismo, ac inter eundem De cognat.
baptizatum & suscientis filios & uxorem spirit. in sex-
ante susceptionem carnaliter cognitam ab eo-
dem: imò etiam inter suscientem patremque to.

E v

106 TRACTATUS II.

baptizati & matrem, cognationem spiritualem in Baptismo contrahi jure constat. Quia cognatio & contrahendum matrimonium impedit, & dirimit post contractum, & eadem que de suscipiente dicta sunt, etiam de baptizante censenda. Nota, ait Divus Antoninus, tit. 1. cap. 15. quod Laicus qui baptizavit aliquem, sive in causa necessitatis, sive extra, non potest contrahere cum illa quam baptizavit.

Hic autem observandum est cum sancto Thoma, quod quando asseruimus cum Concilio Tridentino per cognationem spiritualem impediri matrimonium, distinguendum est.

D. Tho. in suppl. 3. p. q. 56. art. 1. in corp. Sicut carnis cognatio, ait Divus Thomas, impedit matrimonium; ita spiritualis ex Ecclesiæ statuto. Tamen distinguendum est de spirituali cognatione, quia aut processit matrimonium, aut sequitur: si processit, impedit contrahendum, & dirimit contractum: si sequitur, tunc non dirimit vinculum matrimonii. Sed quantum ad actum matrimonii, est distinguendum, quia aut spiritualis cognatio inducitur causâ necessitatis, sicut cum Pater baptizat Filium in articulo mortis, & tunc non impedit actum matrimonii ex neutra parte: aut inducitur extra easum necessitatis ex ignorantia; & tunc si ille ex cuius actu inducitur, diligentiam adhibuit, est eadem ratio sicut de primo: aut ex industria extra easum necessitatis; & tunc ille ex cuius actu inducitur, amittit jus petendi debitum; sed tamen debet reddere, si petatur, quia ex culpa ejus non debet aliquid incommodum aliis reportare.

Quast. 8. Contrahitur ne aliqua spiritualis cognatio, cum baptizato jam puero, suppletur tantum ceremoniæ Baptismi?

Resp. Minime: Sicut cognatio carnis, ait

Divus Thomas , non contrahitur nisi per ac-
tum generationis completum ; unde etiam affi-
nitas non contrahitur , nisi facta commixtio-
ne seminum , ex qua potest sequi generatio car-
nalis : Spiritualis autem generatio non perfu-
citur nisi per aliquod Sacramentum : unde
non videtur conveniens , quod spiritualis cog-
natio contrahatur nisi per aliquod Sacra-
mentum.

Cum igitur non conferatur Sacramentum
cum supplementur tantum ceremoniae Baptismi,
consequens est , quod nulla tunc contrahitur
cognatio. Et valde convenit ut Parochi id di-
cant susceptoribus , cum dictæ ceremonia tan-
tum supplementur , ne in hoc decipientur.

D. Tho. in
suppl. 3. p. 9.
56. art. 2.
in corp.

